

قهوة المعلم لول

(مسرحية فى فصلين)

تأليف

أحمد خضر



الهيئة العامة لقصور الثقافة
إقليم غرب ووسط الدلتا الثقافي
"مطبوعات الكلمة المعاصرة"

[١٤]

رئيس مجلس الإدارة
ليلى مهدى
رئيس التحرير
د. محمد زكريا عنانى
مدير التحرير
السيدة مصطفى
مدير التحرير التنفيذي
أحمد فضل شبلول
هيئة التحرير
شوقى بدر يوسف
عبد الله هاشم
د. فوزى خضر
جابر بسيونى
سكرتير التحرير
محمد صالح

إذ فعلو صوت الشارع

د. محمد زكرفا عنانى

لقد هيات الظروف لكاتب هذه الكلمة أن فواكب جانباً من صور الحياة الأدبية فى الإسكندرية، من خلال ندوات قصور الثقافة والمنندبات الأدبية المبنوثة بها، وكان له من خلالها لقاءات عدة مع هذا الإنسان البالغ الدماثة والحساسفة: أحمد خضر، وجة هادئ طفب؁ تعلوه تلك الابدسامة الحبسة؁ صوت خففس رصفن فشعرك بالثقة فى أن صاحبه قرأ كثراف؁ عناف كثراف؁ وأن له من الحياة والأحفاء رؤفة وموقفاً؁ وإدراكاف لأخباراف الأمور؁ وإذا بالوجه الدمث الطفب ففاجونف ذات صباح بأنف فحمل لى طائفة من كتاباته المسرحفة؁ بعضها منشور فى كبرفات المجلات الأدبفة؁ وبعض آخر مما لم فسبق نشره؁ وإذا بصوفه الهامس فدعونف أن أكتب تقديماً لهذه الأعمال.

ولى أن اعتراف بأن صلتف بالإنتاج القصصف والشعرف أفضل منها بالنسبة للمسرح؁ ولكل حرفة ولا شك أدواتها؁ ومن ثم فإن ولوفى إلى ساحة المسرح محفوف بقدر كبرف من التردد والدهشة والترقب.

ثم كانت قراءة أعمال أحمد خضر؁ ومن بفنها قهوة المعلم لول؁ حتى إذا ما انتهى التأمل وجاءت لحظة الكتابة؁ تضاعفت فى النفس مشاعر التردد والدهشة والترقب؁ ذلك لأننا هنا أملم

مسرح تتنظر إليه من بعض الوجوه، فتظن أنه قديم كله، ثم تتنظر إليه من وجوه أخرى فتخال أنه جديد كله، ذلك أنه يجمع بين القديم والجديد على نحو خاص، هو الذى نحاول أن نكشف عن شئ من سماته فى هذه الكلمة.

ولنرجع إلى الوراء قليلاً مع مسيرة المسرح العربى، وهل يكتمل الحديث عن المسرح المصرى الحديث دون التتويه باسم توفيق الحكيم؟ لقد كتب منذ "أهل الكهف" ما كتب من أعمال راحت تصدر مطبوعة المسرحية بعد الأخرى، حتى إذا ما جاءت خطوة تالية: الخطوة الطبيعية بالنسبة لآى نص "مسرحى": أن يقدم على خشبة المسرح أحس بالحيرة والضياغ، فالنص فقد وهجه وبهائه، والنسيج العميق تحول إلى إيقاع صاخب، بعيد عما تصوره له من شفافية وشاعرية، وتأثير بالهمس والرمز والإيماء.

وكان السؤال: لماذا؟!.. لأن ساحة المسرح "التقليدى" صراع بين ترس وترس، عالم من "الأبطال" والمواقف العنيفة الدامية، والارتفاع ثم "السقوط" المروع، على نحو ما تجليه "تراجيديات" أوديب وأجاممنون وهاملت والسيد وأندروملاك، عالم القواعد الراسخة، والأصول الأرسطية الشامخة، والجزالة الرنانة الرصينة، وفى مقابل هذا النهج برزت اتجاهات "حديثة" (ربما لم تعد حديثة كل الحداثة فى الوقت الحاضر) أصبحت الآن من المسرحيات التى توصف بأنها "كلاسيك" العصر الحديث، أعنى بها تجديدات ميتزلنج وإيسن وتشيكوف وبيرانديلو والحكيم، لتأتى بعدها اتجاهات أكثر

حادثة (بيكيت وأونسكو وبريخت إلخ...) وما نريد أن نوغل أكثر من ذلك في السرد لدروب المسرح الحديث بشاعريته ورموزه وواقعيته ولا واقعيته، بذهنيته وبعثيته، فهذا بحر لجى، والغوص فيه قد بنأى بنا كثيراً أو قليلاً عما نريد أن نلمح إليه.

ولا شك أن أحمد خضر قراء المسرح الواقعي قراءة واعية وأخذ من فنيته القدرة على تحريك عشرات الشخصيات على خشبة المسرح فى جو من الصخب والحيوية والمرونة بحيث "يوهمنا" بأننا أمام لوحات من الحياة تأتى "حقيقة" على نحو ما تكون فى الفن: مزيج من وقائع ومثل وأحلام و"وهم" مثلها فى ذلك مثل ما فى الحياة من عناق حميم بين أمل جميل يشرق ويأس طاغ ملئ بالشك ولأشواك والدموع.

وإذا كان البشر فى الحياة يتشكلون.. وبمعنى آخر يتغيرون فأنا جانباً فيهم بظل هو كما هو والنقاط عناصر الثبات والتغير ركن جوهرى من أركان الفن الروائى والمسرحى. وفى ظنى أن موهبة أحمد خضر واضحة كل الوضوح فى هذا المسار. وهو يملك الأدوات التى تمكنه من إخضاع هذه الزاوية لطبيعة فنية المسرحية. بمعنى أننا نراها من خلال تشابك الحوار وتداعى الانفعالات. والشئ الذى يحسب لأحمد خضر كذلك أنها يملك تلك "الثقافية" التى تكاد تقنعنا بأننا أمام نماذج بشرية مالوفة لنا، نتكلم وتفكر وتنمو وتعيش وتموت كما يفعل النلس العاديون من حولنا.

ولا شك أن موضوع "قهوة المعلم لول" يرتد بنا الى السوراء
أربعين سنة، فالأحداث تقع ابان حقبة الخمسينات المليءة
بالأحداث والمشاعر الجارفة والتغيرات الجذرية، وهى حقبة
قد لا يعنى الجيل الحاضر كل أبعادها، فضلا عن ان هذه
المرحلة أسدل عليها ستار التناسى واللامبالاة. ربما رغبة فى
تسليط الأضواء على ما جاء بعدها من خطوات ارتبطت بعدها
الثورة من سقوط الملكية واخراج الإنجليز وقيام الجمهورية
و...و...

وكان ما كان قبل ذلك مجرد توطئة لا تستحق كبير اهتمام،
وقد عالجتها أو اقتربت منها أعمال أدبية مثل "اللحظة الحرجة"
ليوسف أدريس "وفى بيتنا رجل" لاحسان عبد القدوس. ولكنها
أعمال قليلة نسبيا.

وأذن؟

اخلص من كل ما سبق الى القول بأن أحمد خضر يعد اكتشافا
هاما بالنسبة للمسرح الواقعى الحديث فى مصر، خاصة
بالنسبة للحركة الأدبية فى الإسكندرية وقد قرأت له الى
جانب: قهوة المعلم لول- أعمالا أخرى مثل مسرحية
إنجى(ونشرت فى مجلة إبداع: مارس ١٩٨٥) ومسرحية
بعنوان "باقولك يا مصر" مما يؤكد أنه كاتب يعرف أن طاقته
الحقيقية فى مجال الكتابة المسرحية، ويعرف أن الفن مسئولية
وعمل دنوب، واخلص بلا حدود، ومن هذه الزاويا جميعا
احتفى به أنطلع إلى رؤية مسرح سكندري أصيل يقوى على
أن يقدم هذه الأعمال فى الصورة اللائقة بها.

الشخصيات:

حسن

سمية

أم سمية: أو أم أنجر - تعمل دلالة.

لول

صبحى : جارسون المقهى.

محمد : بائع فول بالحارة.

أميسن : موظف بالجمرك فى بدء حياته - متقف.

عبده : موظف فى عقده السادس.

سفينة : راقصة باحدى الملاهى.

فدائى : ضابط مصرى

الباشا : سياسى فى عقده السادس.

الحكمدار : حكمدار المدينة.

ص- ١ : ضابط إنجليزى شاب.

ص- ك : ضابط إنجليزى كبير

صحفى

١-٢-١ : عمال من أهل الحارة

آخرون

الأسكندرية ١٩٦٩

[عرضت هذه المسرحية فى منتصف ١٩٧٤

على مسرح الجمارك بالإسكندرية.

تمثيل فريق الوحدة (نادى الوحدة الرياضى)

[إخراج: إيمان الصيرفى]

الفصل الأول

(١)

سمية: حسن!.. مش معقول كده.. دا أنت مستريحتش غير
يومين إثنين
حسن: وهو يومين شوية يا سمية!
سمية: طبعاً!!!
حسن: يا سلام لو تعرف اليومين دول بيوفتو عليه أدياه
سمية: للدرجة دى مبتحبنيش!؟
حسن: أنتى تحفة
سمية: ما أنا عارفة كده.. أنا عارفة إني مش زى البنات
اللى..
حسن: (مكملاً) اللى باحارب معاهم فى الكنال.. مش كده!؟
سمية: يوه.. يمكن بتروح مصر وهناك بقى...
حسن: سمية
سمية: (بتحد) نعم!!
حسن: نفسى أبوسك يا بت
سمية: شش.. أمى تسمعك
حسن: ميهمكىش (تدخل أم سمية)
أم سمية: ايه هوه ده اللى ميهمكىش
حسن: أبدا.. موضوع ميهمكىش (سمية تتفجر ضاحكة)
أم سمية: يا نونة.. أضحكى يا روح أمك
حسن: يا ست أم سمية

أم سمية: (مقاطعه) أنا مش عايزة كلام.. أنا عايزة فعل.. إن شاء الله ح يميل بختك
سمية: يوه يا امه!
أم سمية: أنتى ناسية روحك.. البنات اللي فى سنك إتجوزو
حسن: إن شاء الله
أم سمية: (مقاطعه) ح تموت.. ومش ح ينوبها غير الحسره
سمية: أمه!!.. مش المرحوم ابويا هو اللي وافق على س
حسن:!!
أم سمية: س مين.. س حسن!!
حسن: وقاريين الفاتحة سوا
أم سمية: والله ما انا عارفة إيه أخرته(خارجة) جاتك وكسه
حسن: سمية..فيه إيه?
سمية: حقاك تنتبه لدراسنك يا حسن
حسن: كلها سنتين واخلص
سمية: ما انت كل سنة بتسقط!
حسن: أنا ماشى يا سمية.. النوبة دى ح أغيب شوية.. على فكره عم محمد ح يبقى يجيب شوية روايات تقربهم..
ومحضر لك النوبة الجاية هدية
سمية: حسن!!
حسن: أيوه يا سمية .. إيه مالك
سمية: كان فيه كلام عايزة أقولك من زمان.. لكن كل مرة الكلام يأخذنا لسكة ثانية
حسن: هو فيه سكة ثانية يا سمية!؟

سمية: حسن.. أنا باحبك قوى قوى.. عايش معايا
 فى كل حاجة.. لكن(توقى)
 حسن: أتكلمى يا سمية
 سمية: أنا باحبك وباحب الدنيا!.. إنت عارفنى مجنونة.. أنا
 ماركبش معاك حنطور ولا مره يا حسن.. عايزه
 أعيش يا حسن
 حسن: العمر قدامنا يا سمية.. إنتى لسه عشرين سنه!
 سمية: أيوه.. لكنى!.. أنا خايفة ع الحب اللي ف قلبى من
 شغل الدلالة.. أنا خايفة وعازة اعيش.. عشان كده
 عايزه اتجوزك.. عايزه أحسن بكل حاجة فيك
 حسن: العمر قدامنا يا سمية
 سمية: أصبر يعنى!!
 حسن: لازم نصبر يا سمية
 سمية: بقالى ثلاث سنين صابره وانا مش أد الصبر يا حسن..
 أنا باحب الدنيا.. الأكل واللبس والريحة والفسحة
 وباحبك.. يعنى مفيش غيرك اللي ح يطلع الإنجليز
 حسن: دا مش كلامك يا سمية
 سمية: لأ.. كلامى يا حسن.. أنا عايزه اعيش.. وبعدين أنى
 ح افضل ف الشقا لىمتى.. أنى تعببت م الشقا يا
 حسن.. وبكره أسوأ طول ما إحنا كده

- حسن: مفيش سكه قدامنا غير دى يا سمىة(سمىة تبكى)
سمىة.. الإنجليز ح يخرجو
- سمىة: إمتى؟!
- حسن: لما كل واحد يسبب حبيته ويروح الكنال.. ح يخرجو
الإنجليز قريب قوى قوى
- سمىة: يا ريت يا حسن
- حسن: وح ارجع لك راجل.. مش(يتوقف)
- سمىة: عايزة أعيش يا حسن.. أنى متشوق قوى يا حسن..
متشوق
- حسن: ح نتجوز يا سمىة
- سمىة: أما تأخذ الشهاده وتتوظف
- حسن: أتوظف!!
- سمىة: أيوه يا حسن
- حسن: سمىة.. اوعى تكونى كرهتى حسن
- سمىة: يا خرابى ع المخ.. أفهم يا أخى.. حس بيه بقى.. دا
أننى جتنى بتترعش وأنى قاعده جنبك
- حسن: نتجوز يا سمىة ونكمل مشوارنا سوا.. وخليكى جنبى
لاحسن أخاف وانسى
- سمىة: أنا جنبك يا حسن.. المهم ح تيجى أمتى؟

حسن: بعد شهر
سمية: ونتجوز
حسن: نتجوز
سمية: شهر يا حسن
حسن: شهر يا سمية (إظلام وأضاءه على نفس المكان سمية وأمها فقط)
محمد: (بيدو من فتحة الباب الشقة) ياللى هنا
سمية: أتفضل يا عم محمد
محمد: (داخل) دستور (يحمل لفة كتب- ووعاء به فول)
أم سمية: (لنفسها) دستورك موقت يا ابن المسوسة
سمية: أتفضل.. أهلا وسهلا
أم سمية: أتفضل.. أهلا وسهلا (لنفسها) ياما جاب الغراب لاهمه..
حصلت البركة
سمية: متشكرين يا عم محمد (تأخذ وعاء الفول)
محمد: العفو.. الأستاذ حسن باعت لك الكتب دى كمان
سمية: متشكرين يا عم محمد
محمد: قال أنه يمكن يغيب شويه النوبه دى.. إذا عزتى حاجة
أنى تحت أمرك.. أيتها حاجة
سمية: إيه يامه مش كتر خير
محمد: فوتى يا سمية

أم سمية: .. له .. هوه انا هبله تفوت لى .. أنت يا رجل أنت مش
 تلم لسانك (بطل صبحى حامل لفة واقفا خلفها) جتكم
 البلاوى .. دا الواحد نظره غشش وياريت فول صافى
 ألا بدودو وسوسو
 صبحى: والنبي عندك حق يا أم انجر
 أم سمية: (ملتفتة لصبحى) خضتتى .. مش تبقى تزممر .. ايه
 ياواد .. عايز ايه
 صبحى: المعلم لول باعت الحاجة دى .. وبيقولكم كل سنة وانتم
 طيبين
 سمية: على ايه ياواد
 صبحى: ع الموسم
 سمية: الموسم!
 محمد: دا فات بقى له جمعه
 صبحى: المعلم قرر يعمل له سبوع
 سمية: صبحى!!
 صبحى: نعمين يا ست الستات .. يا قمر
 سمية: أنزل باللفه دى
 صبحى: طب
 سمية: (مقاطعه) صبحى!! .. متخلنيس أنزلك من عيني .. أنت
 مرسال

أم سمية: بت!!؟
سمية: نعم يا أمه... أنا قلت ينزل يعنى ينزل!
صبحى: بتكرشيني يا ست سمية!
سمية: أنا!.. أبدا يا صبحى.. أنت فاهم.. نزل الحاجة دى
وتعالى
صبحى: ما تعديها النوبة دى أحسن المعلم ح يزعل قوى
سمية: صبحى!.. هيه كلمه
صبحى: ماشى يا ست سمية.. السلامو عليكم
محمد: مع السلامه (صبحى يخرج)
أم سمية: يا نارى.. يا لهوى.. الراجل عمل ايه بس يا ناس
تعملى معاه كده
سمية: شاي ولا قهوه يا عم محمد
محمد: متشكرين يا ست سمية.. العربية لوحدها
أم سمية: (لنفسها) آه.. يا نارى منك
محمد: السلامو عليكم
سمية: مع السلامه يا عم محمد

"إفلام"

(إضاءة على المقهى- منظر طريق عام بطول المسرح في صدر المسرح على اليسار المقهى- على اليمين بيت أم سمية- منظر بيوت قديمة- عربة يد أقصى اليسار دكان صغير أمامه عربة فول)

(اللول جالس خارج المقهى على الناحية الأخرى للمائدة عبده يقرأ الجريدة باهتمام)

صبحى: (يضع شيشة أمام اللول) صباح الفل يا معلم
لول: صباح
صبحى: أم سمية سألتنى المعلم بقاله جمعه مسألش
لول: أما بعضهم الجوع جمعه يعرفو قيمة اللول
أم سمية: (تخرج من بيتها مارة امام المقهى) صباح الخير يا معلم
لول: صباح (صبحى ينصرف)
أم سمية: إيه يا معلم إنت مخلصنا ولا إيه؟
لول: منستغناش!
أم سمية: يوه!.. مالك يا رجل؟.. فيه إيه؟
عبده: كل خير يا ست أم سمية.. دا المعلم لول ميسستغناش
عنكم أبدا.. مش كده ولا إيه يا معلم
لول: لا والله فيك الخير يا سى عبده.. باقولك إيه هات لنس طاوله
عبده: يا سلام!.. حالا.. ولد يا صبحى
لول: لا مؤاخذه.. أنى عايزك إنت اللي تجيبها!
عبده: أيوه.. فهمت يا معلم (يقوم منصرف داخل المقهى)
يا سلام.. زكى.. زكى جدا
(أم سمية تجلس مكان عبده)

لول: شوفى يا أم انجر.. آنى راجل مش صغير
أم سمية: يوه يا معلم!!
لول: أبعت للبيضا شوية طلبات تقوم تطرد لول!!؟
أم سمية: وآل أنا باقول عليك عاقل!
لول: ياولية!.. يام لسان زى العقربة
أم سمية: دى هبله.. صغيرة.. وبعدين دى راضعه من هنا..
أفهم يا معلم
لول: يعنى...
أم سمية: (تقوم مستعدة للانصراف) أيوه يعنى... يا زكى جداً
جداً (تسير خارجة)
لول: ماشى يا أم سمية.. قول يا عم محمد
محمد: كله بالصبر (عبده يخرج من القهوة متجها للمعلم)
لول: أصبر على أد ما تصبر يا فلفسوف.. كل ما تصبر
إنت إحنا ولا مؤاخذه نبقى آخر حلاوه (أم سمية وهى
خارجة تضحك بخلاعة).. إديها حلاوه يا حلاوه
عبده: الصبر جميل يا معلم والمثل بيقول: ساصبر حتى
يعجز الصبر عن صبرى
لول: طب اصبر أنت! (صبحى متابعاً تحاورهما)
صبحى: دا س عبده الصبور
لول: قريب الحامولى
صبحى: معلوم ما هى أم س عبده الحامولى كانت تقوم لامه
عبده: ولد.. عيب يا ولد.. يا قليل الأدب!
صبحى: واحد حليب بالبن لسى عبده وسمعى الصلى ع النبى
لول: (يجلس وعبده مكانه الأول) عليه الصلاة والسلام
عبده: زيد النبى صلى يا معلم

لول: وعليه الصلاة والسلام
 عبده: شوف يا معلم أنا فاهم الفوله
 لول: فوله!!! بتاعة عم محمد؟
 عبده: بتاعتك يا معلم
 لول: إنت شفت الفولة بتاعتى يا س عبده
 عبده: بقى أنا عارف اللي ف نيتك للبيضا.. بس ولا
 مؤاخذه ف دى الكلمه مش بتعرف نتكتك
 لول: تك تك تك يعنى
 عبده: دى بنت صغيرة نفقعه كدبه صغيرة.. تعند.. تطير
 لولد من سكتك
 لول: يخرّب بيتك يا عبده دا انت نصيبة
 عبده: مش ممكن يتخرّب وانا معاك يا معلم.. سيبنى أتكتك
 ونتقابل بالليل
 لول: طب باقولك إيه (يعطيه نقود) أمسك دول عشان
 نتكتك حلو
 عبده: ليه كده يا معلم.. تخرجنى!!! هوه إحنا مش
 إخوان.. تعاملنى بالشكل ده!
 لول: مدام إخوان.. لما ادبك متقولش لأ
 عبده: يعنى اللي قالو لأخدو إيه؟
 لول: قطنه

"إظلام"

(إضاءة على شقة أم سمية - سمية وأمها جالستان - لول يدفع

الباب ويدخل)

لول: السلام عليكم
أم سمية: وعليكم السلام.. أهلا يا معلم.. يا ألف مرحبا
لول: السلامو عليكم
أم سمية: وعليكم السلام.. أهلا يا معلم.. يا ألف مرحبا
لول: إيه يا ست سمية.. هو احنا إيه.. مش مالبين عنيكو
أم سمية: ح اقول إيه بس يا خواتي.. إقعد يا معلم
لول: دا النبي عليه الصلات والسلام قبل الهدية وقال إيه..
الجار أولى بالشفعة.. وانتم اقرب جيران ليه.. البيت
كده.. والقهوه كده.. والمرحوم ابوكى كان صاحبي
قوى

سمير: يا معلم (عبده يتصنت على الباب)
لول: أنا زعلان منك يا بيضا ومخاصمك.. إنتى ناسية لما
كنتى تيجى القهوه وأنتى لسه صغيره واشربك
كازوزه.. أنا زعلان منك قوى.. خلاص مغيث
كازوزه بعد كده

عبده: (يلمحون عبده) صباح الخير يا جماعه(يختفى)
أم سمية: شوف يا اخويا الراجل اين ال.. اللى بيتصنت!!
لول: عالم مصايب(ينادى من النافذه) صبحى.. ياله يا
صبحى.. هات الحاجة ياله.. يا صباح الصباح يا
ست الملاح.. طزف ممثلات هليوت جنبك يا جميل
صبحى: (يدخل حاملا لفه) ألسطى يا معلم

لول: إنصرف (يخرج صبحي) إفتحى يا سمية
 أم سمية: أما اجيب صينييه
 لول: مش ضرورى
 أم سمية: عشان نخط اللحمه فيها
 لول: لحمه!؟.. إستنى يا ام انجر (أم سمية تفتح اللفه وتخرج قطعة قماش) عشان فرح بتى.. لازم تتفصل الحاجة دى وتحضروه (تدارى بقية الأشياء)
 أم سمية: دا انت كستنا كده من فوق لتحت.. تسلم يا معلم
 سمية: يا معلم
 أم سمية: (مقاطعة) أخرس يا بنت.. متشكرين يا معلم.. ربنا ميجرمناش منك أبدا
 لول: عيب يا سمية الكلام.. كفاية اللى المره السى فانت (ينهض) نهايته السلام عليكم
 الاثنان: وعليكم السلام
 لول: (لأم سمية) على فكرة لوليه عسايزاكى الليله...
 عشان تساعديها ف شوية حاجات
 أم سمية: (وهى توصله للباب) جايه يا معلم.. من عنيه (يخرج)
 (إظلام واضاءة على نفس المنظر - سمية وأمها جالستان نفس الجلسة فى أول المنظر)
 أم سمية: شوفتى جوز التعابين اللى جابهم العريس
 سمية: شوفتى الكروان
 أم سمية: ولا العوالم

لول: (يطرق الباب- من الخارج) يا سائر
 أم سمية: أتفضل يا معلم
 لول: (يدخل) أنى جاى أتشكرلكم
 سمية: العفو يا معلم
 أم سمية: هو إحنا عملنا حاجة.. أقعد
 لول: عملتوا الواجب وزيادة
 أم سمية: أما أنا محمصة بن إنما إيه
 لول: لا بن ولا قهوه.. بالمناسبة. هو حسن مجاش عنه
 أخبار
 أم سمية: بلا نيله
 سمية: أول مره يغيب كده. ز بقاله شهرين!
 لول: أنا سمعت حاجة كده.. لكن.. نهايته ربنا يعدلها
 أم سمية: سمعت إيه
 لول: لا أبدا
 سمية: خير يا معلم.. قوللى.. حسن جرا له إيه.. طمنى فيه
 إيه؟
 لول: متخضيش.. مجرتلوش حاجة.. أهو زى الجن
 أمال إيه!
 سمية: أسمعى يا سمية.. إنتى بنت طيبة وحلوه.. أنتى على
 نيائك ولولد ده بيلعب بيكى
 سمية: بنقول إيه يا معلم
 لول: أنى لولا باحبك مكنتش أقولك حاجة.. لكن بصراحه
 سمية: فيه إيه

لول: س عبده
 سمية: أسمعني!!
 لول: أنتي عارفة إنه ف حاله وعمره ما كذب على حد
 أم سمية: الحقيقة هوه فيه دقت نقص.. إنما كذب لأ
 سمية: خير يا معلم
 لول: بقى س عبده كان ف الدوان.. ف مصر أول إمبارح
 وقاللى إنه شاف حسن ماش مع (يتوقف)
 سمية: مع مين؟
 لول: مع بنت تلحس
 سمية: مش ممكن!!
 لول: أنا دي هولك يقولك (مناديا من النافذه) وله يا صبحي..
 نادى س عبده.. إطلع.. أسمعني يا سمية أنسا مش
 عايز تهور ولا زعل
 عبده: (يدفع الباب ويدخل) السلامو عليكم يا جماعه
 لول: سلام يا س عبده.. أنت كنت ف مصر أمتي
 عبده: يا معلم!.. خللى الطابق مستور.. داعى يا معلم..
 مفيش السلامو عليكم
 لول: خد (يمسكه من يده وهو يهم بالانصراف)
 أم سمية: قول يا سى عبده أفندي شفت أبه
 عبده: موضوع يكسف.. متزعلش نفسك يا سمية يا بنتى..
 أدى حال الدنيا
 لول: أنت ف صوان عزا.. متقول
 عبده: أصل يا معلم

لول: اللهم طولك يا روح
عبده: شفت حسن ماشى مع بنت
أم سمية: شكلها أيه؟
عبده: تلحس
أم سمية: صدقتى كلام أمك
عبده: كفاية يا معلم.. كفايه اللي جرا له
سمية: جرا له إيه
عبده: رقدوه من الكلية.. الجواب لسه واصل حالا
أم سمية: يعنى بقى صايغ!
لول: دى اطينت خالص.. أخذ جزاؤه.. قول بقى السلامو
عليكم
عبده: (وهو خارج) وعليكم السلام
(سمية تتهاوى ساقطة)
أم سمية: سميه.. بنتى
"إظلام"

(إضاءة على الحارة والمقهى - صبحى جالس مكان اللول يدخلن

شيشة)

أم سمية: (داخله الحارة) ينيك يا صبحى.. قاعد مكان

معلمك

عبده: وحشك ولا غاب القطا ألعب يا فار

صبحى: تخونك الحلب الحصى والحلبه..

عبده: ولد.. المعلم مش موصيك قبل ما يسافر.. ألا هو

حيرج أمتى بالسلامه يا ست أم سمية

أمسمية: علمى علمك يا خويا

صبحى: إزاي متعرفيش.. مش سمية معاه

أم سمية: آه.. معاه يادلعدى

محمد: كل شئ وله آخر

صبحى: إلا الصبر

محمد: والصبر له آخر

أم سمية: راجل غتت. حتى الفول بتاعه غتت.. تلقى الفوله

غتته والغرا غتت

عبده: والله وحشنى المعلم.. ثلاث أسابيع

أم سمية: يا بختهم ف مرسى مطروح (عبده يقترب من أم

سمية وينتحي بها جانباً)

عبده: فيه موضوع كده كنت عايزك فيه يا ست أم سمية

أم سمية: وماله يا خويا.. قول

عبده: هنا!!.. دا سر

أم سمية: سر
عبدہ: آہ.. ممکن نتکلم فوق (مشیر لبیتھا)
أم سمية: بیتک یا س عبدہ.. أتفضل (بتحرکان)
صبحی: الحلبۃ الحصی یا سی عبدہ
عبدہ: أزرھا
صبحی: أزرھا ولا افتتک فیھا (أم سمیة ضاحکھ)
محمد: کلہ بالصبر (صبحی یشیر لمحمد - أم سمیة وعبدہ
یختفیان - عبدہ یدخل مکانہ)

"إظلام"

(إضاءة على شقة أم سميه - لول وأم سميه أمامهما خمر -

يضحكان)

لول: أبو سميه لقاكى فين
أم سميه: ف الحرملك
لول: حلوه.. لأ.. صحيح
أم سميه: الله يرحمه كان يحب الفرشة.. وقعدة الفرشة..
دامات من كثر الفرشة (يضحكان) تدخل سميه بيدها
طبق به مزة) ياختى عليها.. طعمه
لول: إيه يا حلاوه.. يا مهلبية يا.. يا نور عنيه يا
سميه: إيه يا معلم أول مرة تشوفنى
لول: يا سلام لو شفتيها يام انجر.. قمر ماش ع الأرض.
من هنا كاس.. من هنا سجارة مكنه.. من هنا
غمزه.. من هنا ضحكه وقبله
أم سميه: مش سميه يا معلم
لول: كل العيون عليها والكابتن بقى.. الكبير.. رتب هنا
وهنا.. حاجة إيه.. وكانت هيه الكل ف الكل.
والكابتن وربنا بقى قدامها زى العيل.. مفيش أمتن
مالل.. ولا إيه يا بيضا (طرق على الباب)
أم سميه: خش
محمد: (يدخل) السلام علي (يتوقف فينفجروا ضاحكين)
سميه: أهلا يا عم محمد.. أتفضل.. إيه ساكت ليه.. إتفضل
محمد: ح..ح..ح (أم سميه تقلده فيضحكون) أنا باحسب..

قصدي إن شهرين فاتوو.. الموضوع.. كان..

قال.. واحد.. إثنين

الرجل(يضحك) عامل(يضحك) زى(يضحك)

أم سمية: هو عداك ولا إيه

محمد: سمية.. حسن

سمية: (مخموره) حسن!.. ماله

محمد: حسن

سمية: ماله!؟

محمد: إيه اللي جرا؟

سمية: ولا حاجة.. مفيش حاجة جرت. ما انا اهه..

سمية!.. أنا زى ما انا

محمد: إيه اللي جرا!؟

سمية: هيه معلق معاك الليلة دى ولا إيه.. أنت سكران

محمد: أستغفر الله العظيم

سمية: أما ييجى ح يلقانى مستتياه زى العاده ف الشباك..

وح اقله أهلا يا حسن.. ح نتجوز أمتى.. أما

يخرجو!.. ما دخلو واللى كان كان

لول: المهم الفرشة

سمية: الفرشة

أم سمية: صح(محمد يخرج)

لول: احنا نفرشهم.. ينسطو مننا ويبقى بينا نقة.. نقول

له: يا مستر أخرج من مصر.. خليك شنتلمان

واخرج

سمية: لأ مخرجش
لول: والنبي تخرج
سمية: لأ مخرجش
لول: يا مستر دا انت حبيبي.. النبي تخرج
سمية: أخرجش
(يغرقون في الضحك)
"إفلام"

(إضاءة على بارفي حي شعبي - سنيه تقنى وترقص - بعضا

الرواد - حسن ضابط إنجليزى - ١)

سنیه: وقف لازعل وياك.. واعملها حكاية

وارجع ف هواك.. ودى تبقى نهايه

إن كان يرضيك!

إن كنت غاوينى.. وقف ولا عینى

واديك من عینى اللی یكفیک..

.. وانت ح تدينى.. اللی یكفینى

دا انا قلبی شاریک

إن كان يرضيك

وقف.. لازعل وياك

الله یخلیک.. وقف

ص-١: وكف الله یكلیك.. وكف.. إن كان یوردیک وكف

حسن: إیه رأيك ف وكف بتاعة الخواجه

سنیه: أنا مقولش لأ.. عشان بيقول لأبیروح فین!؟

ص-١: بروح عند أونكل

ص-١: أونكل أندروز لیف إن ما نشستر

حسن: ینعل أبو خاش أونكل

ص-١: أبو كاش

سنیه: عارفاها كاش دى.. كاش منى

حسن: ولد یا خواجه

ص-١: بس
حسن: أرقص ياله
ص-١: أو.كى (يرقص على صوت الأوكرديون)
ص-٢: -اللعبي العبي
(جرس طويل تتوقف الموسيقى وبضاء البار إضاءة كاملة- يدخل
ص-ك وجود-١، ٢)
حسن: أهلا.. شرفت يا خواجه (ممسكا زجاجة) زفت.. أهه..
لو تحب تشرب
ص-ك: (بلكنة أعجمية) حسن.. أنا مش عايز إحتكاك بينسى
وبينك
حسن: أنى مفايش الدق دى
ص-ك: (للجنود) فتش
حسن: بتفتش على إيه يا جوني
ص-ك: آى أم نوت جوني
حسن: آمال فين جوني.. جوني مات.. يا حبيبي يا جوني..
مكانش يومك يا جوني (لسنيه) صوتى يا وليه.. آخ يا
جوني (سنيه تولول)
ص-ك: بس.. مش عايز ولا كلمه (الضابط-١) كابتن.. إيه
ده
ص-١: أنا ف رست.. أو.كى.. كاس.. كاس زفت
حسن: لوله ده أصله مصرى.. بيحب الزفت
ص-ك: أنا ح أقدم تقرير
حسن: بتدور على أيه يا خواجه.. تايبها منك نحله ولا عليز

قطان

ص.ك: حسن!!! أنت تتعمد إثارتى.. ماك بى أنجرى
حسن: أنا باحبك
ص.ك: أنا ممكن أقبض عليك!
حسن: بس قول لى بتدور على أية
ص.ك: فدائين
حسن: هنا
ص.ك: تمام!
حسن: أما حمار
"إظلام"

(حجرة أمين- فراش صغير- دولاب صغير- مائدة صغيرة- مقعد واحد بجوارها- باب على يمين المسرح- نافذة فى صدر المسرح).

أمين: (جالسا على الفراش يتثاءب) ياه.. يا ساتر.. ايه الزيتة دى.. أمال الواحد مسمش الدوشة دى ليه بالليل؟.. أما سؤال غبى! (يفتح النافذة يسمع لغط شديد) ألهى يخرّب بيتك يا حسن افندى.. باالله العظيم!!.. عشان كده أخذ ثلاث شهور مقدم.. لكن ليه يا واد ح تتهم وتتضايق.. أهى والله فرصة الواحد يعرف الناس اللي ف أغوار المدينة عايشين إزاي (طرق على الباب يفتحه تدخل أم سمية) أهلا يا افندم

أم سمية: أفندم ايه يادلعدى.. أنا ام انجر
أمين: أهلا وسهلا يا افندم.. إتفضلى.. أنا أمين
أم سمية: إنت باين عليك أين حلال.. إنت يا خويا اللي بتشتغل مع مقصوف الرقبة؟

أمين: حسن افندى!؟
أم سمية: لكن أنت باين عليك أين ناس كويسين.. غيه عرفك بالواد ده

أمين: الحقيقة يا أفندم أنا وصلت من القاهرة من أسبوع واستلمت عملى ف الجمرک هنا جنبکم ولما عرف الأستاذ حسن

أم سمية: (مقاطعه) أستاذ!!!
 أمين: لما عرف إني بادور على مكان قال لى إنه لقي مكان
 فعلا ونقل شنطى واخذ منى ثلاث شهور مقدم وجينا
 الليلة اللي فاتت
 أم سمية: خاف لتشوف الحته بالنهار مترضاش تسكن وتطير
 منه السمسه
 أمين: أبدا.. الحقيقه أنا فوجئت لما شفت الدوشه دى كلها..
 أنا أصلى ساكن ف مكان هادى جدا بالقاهره.. لكنى
 من وجهه ثانيه إنيسطت لأنى عايز أعايش التجربة
 دى من زمان.. واهى جت الفرصة
 أم سمية: طب يا اخويا متلزمش خدمه
 أمين: متشكرين جدا
 أم سمية: متشكرين إيه.. مش لازم حد يطبخ لك ويفسل لك
 وينضف لك
 أمين: الحقيقه دى المشكله اللي مش لاقى لها حل.. أصلى
 محبش أتعب حد
 أم سمية: تتعب إيه!؟.. هين قرشك ولا تهين نفسك
 أمين: يعنى قصدك إن سيادتك.. يعنى
 أم سمية: أيوه يعنى.. وأنت يعنى (مشير لدفعه نقود)
 أمين: (ضاحكا) الحقيقه أنا مش ح انس الخدمة دى أبدا..
 مرسى قوى
 أم سمية: لا يا أخويا ميهمكش.. أنا كنت جايه أتعرف عليك
 بس.. لكن لما لقيتك ابن حلال عرضت عليك

الحكاية دى

أمين: أنا مش ح أنسى لك الخدمة دى أبدا
أم سمية: وأى وقت تحب تخرج من أوتضك تروح ولا
مواخذه دورة الميه.. ماهى مشتركة.. البيت بيتك..
مفيش غيرى أنا وانت وبنتى
أمين: أنا بإخد دش الصبح ودش بالليل
أم سمية: كان بودنا.. لكن الحقيقة مفيش عندنا دش.. فيه
صفيحة.. وطشت
أمين: ح جيب واحد يركب دش.. أنا قصدى إنى مش ح
استعمل دورة الميه غير ساعتين.. ساعة الصبح
وساعة بالليل على الأكثر
أم سمية: خد راحتك يا أخويا.. أن شالله طول النهار.. وإذا
كنت مش موجوده وعزت تسخن ميه أو أى حاجه..
أو عايز شاي.. قول لسمية
أمين: بنت سيادتك؟
أم سمية: آه يا خويا(مناديه) يا سمية.. بنت يا سمية
سمية: (من الخارج بدلال) أيوه يا مه
أم سمية: متيجى تسلمى على الأستاذ أمين يا بت
أمين: (تدخل سمية) أهلا وسهلا.. أتفضلى يا مودموزيل
سمية: فرصة سعيدة يا أستاذ
أم سمية: أمين
أمين: مرسى قوى
سمية: وسيادتك الساكن الجديد

أمين: دا من حسن حظي
 أم سمية: يا ختي عليه.. مؤدب أدب!!
 سمية: (مشيرة لكرتونه بها كتب) كل دي كتب؟!
 أمين: دا جزء من كتبي
 سمية: عارفة فكرتني بمين يا امه؟
 أم سمية: هيه مين يا بنت؟
 سمية: الكتب!
 أم سمية: بمين؟
 سمية: بحسن
 أم سمية: بحسن؟!.. الكتب اللي فكرتك ولا فيه أرايز
 سمية: الإثنين
 أم سمية: فتكو بعافية.. الغدا عندنا يا أستاذ (وهي خارجة)
 أمين: يا ست أم
 أم سمية: (مقاطعه) ولا ست ولا بت.. خلاص (تخرج)
 أمين: ألف شكر
 سمية: (ممسكه بكتاب من الكرتونه) إيه أكثر حاجه بتقرأ فيها؟
 أمين: بيختلف.. لكن عموما أدب.. إقتصاد.. سياسة
 سمية: الأدب والسياسة!!.. كثير جدا كان بيقرأ يحكي لى
 عن السياسة.. وكان يقرأ يحكي لى عن القصص
 اللي بيقرأها.. كان أحيانا مبيقاش فيه فرق بين
 القصص دي وبيننا.. كنت أركن راس على صدره..
 هو يقرأ وأنا مغمضة عينا وف خيالي روميو

وجالبيت

أمين: يا ترى مين السعيد ده؟!
سمية: حسن
أمين: حسن!!!
سمية: كانت أيام.. كانت كل حاجة جميلة ما عدا حاجة
واحدة.. الدنيا دايما مره ولو ف عز حلاوتها
أمين: دى فلسفة
سمية: أسيبك تغير هدومك وتنزل عشان أروق لك الأوضى
أمين: بس أنا كده...
سمية: متقولش كده.. إحنا جيران وبكره نحتاج لك
أمين: أنا تحت أمرك
سمية: طيب إبقى سيب لى المفتاح
أمين: أوامرك

"إظلام"

(إضاءة على المقهى - لول - عبده - بعض الرواد)

- صبحى: (خارجان من المقهى) يا معلم لول
لول: إيه ياله (صبحى يهمس فى أذنه) لآ.. الليله دى لآ..
واخذ بالك يا افندى
عبده: الحقيقة يا معلم أنت كلك إنسانية (أمين خارج من البيت)
صبحى: (ملمحا للمعلم) وأدى الشاى الكثرى وصل يا معلم
لول: هاته ياله.. روح أنت.. (مناديا أمين) يا فندى.. أنت يا فندى
أمين: سيادتكم بتنادينى
لول: أيوه.. مش تيجى تتعرف على الناس العترة
أمين: أهلا وسهلا (بصافحهما)
محمد: كله بالصبر
لول: شاى ولا قهوه
أمين: شكرا يا معلم
لول: أما المعلم لول يعزم على حد ميقولش لأ أبدا
أمين: قهوه مطبوطة
صبحى: قهوه مطبوطة للأستاذ أمين.. سكر بناتى على نار هادية
أمين: وعارف أسمى كمان!
لول: طبعا.. أيوه يا سى عبده.. إحنا كنا بنتكلم ف إيه
عبده: كنا بنقول أنك كلك إنسانية يا معلم
لول: ده من ذوقك.. مرحب يا أستاذ الجيهه نورت

أمین: مرحب بیک یا معلم.. نورت بالناس الحلوه اللى فیها
لول: أنا بانبسط لما اشوف الشبان دى اللى تعرف تلاغى
کده وآخر جهازان.. لكن یا ترى إيه اللى سکک هنا
أمین: الحقيقة الأستاذ حسن هو اللى جاب لى اللأوضة مع
ابن کنت عایز شقة كاملة لكن مش بطل
صباحی: قهوہ مضبوطه یا سید الییه
أمین: شکر
لول: ولا مؤاخذه.. تعرف حسن بقالك مده
أمین: أبدا.. دا یادوب أسبوع واحد
لول: (لعبده) ماهو شوف یا سى عبده.. بمناسبة الموضوع
ده.. أنى راجل مقتدر والحمد لله.. وقلبی قلب أسد
محمد: أسد بریطانى
لول: بتقول إيه یاله
محمد: لا.. أبدا یا معلم
لول: أنى ساکت لك لكن طلاق بثلثاته انقل أسمك بسجل
الوفیات
محمد: الله أكبر یا مفترى
لول: أنى مفترى
صباحی: قصر یا عم محمد
أمین: معلىش یا معلم.. حقك علیه
عبده: عیل وغلط
محمد: أنى عیل یا منافق یا خباص
عبده: أنا.. أنا.. دا راجل میتسکش علیه أبدا

أمين: أرجوك يا معلم.. عشان خاطري
 لول: خاطرك غالى عندنا يا أستاذ.. لكن ح أوريك
 عبده: راجل مسوس
 أمين: اقعد يا معلم.. أرجوك إهدا
 لول: غير دمي.. هات شيشة ياله
 صبحي: حالا ييا معلم
 لول: أف.. راجل سو.. كنا
 عبده: (مقاطعه) كنا بنقول إنك كلك إنسانية يا معلم
 لول: إنسانية إيه (سمية خارجه من البيت) هوه ده تتفع
 معاه إنسانية
 سمية: مساء الخير يا سى أمين
 لول: مساء (يتوقف)
 أمين: أهلا وسهلا يا أنسة سمية
 لول: إيه يا بيضا.. على فين يا حلاوه
 سمية: ريحة للخياطة
 لول: الخياطة
 سمية: على كيفك يا بيضا.. يا حلاوه ع الحلاوه
 أم سمية تنظر من النافذه)
 أم سمية: لول
 لول: أم أنجر
 أم سمية: سلامتك يا معلم
 لول: مزاجي الليله مش هوه
 أم سمية: قاللى صبحي يا معلم لول.. إيه يا بنت يا سمية واقفه

ليه ؟

سمية: أبدا يامه.. يسعد مساك يا س أمين
لول: وأنتى من (يتوقف)
أمين: مساكى بالخير
لول: يا بيضا.. مع السلامة يا بيضا
صبحى: سكر زياده.. زايد ف الحلاوه يا جميل (سميه
خارجة تضحك بخلاعه)
أم سمية: أبعت لك العشا
لول: لوليه بعته
أم سمية: بالهنا والشفاء.. أتصبح بالخير يا معلم
لول: ح تنامى م المغرب يا حلاوه
أم سمية: (ضحكه فاضحه) لا يا معلم.. ح اقعد ف الشباك
واعد النجود الكبيرة والصغيرة
لول: الصغيرة اللي بتطلع بس.. أم أنجر.. نامى أم أنجر
أم سمية: (بتوعد) تصبح على خير يا معلم
لول: تصبح على خير يا جميل [تدخل] وسيدتك بتشتغل
إيه يا أستاذ أمين
أمين: ممتن
لول: عال.. دى شغلانه فل.. وربنا أنت مسعد
أمين: على إيه يا معلم.. كلهم عشرة جنيه آخر الشهر..
لولا الإيراد الإضافى اللي بيوصلنى كنت
لول: (مقاطعا) خد بالك يا افندى.. أنت ولا مواخذه لسه
صغير.. متزعش منى أنا برضه أد والدك

أمين: أنفضل يا معلم
لؤل: بكره أما تشتغل ولا مؤاخذه.. وتفهم دى منين وده
منين.. وتفتح مخك مع الناس اللي حواليك وتلاغو
بعض.. تسلك
أمين: قصدك يا معلم
لؤل: لازم كده عشان تعيش والدنيا ولا مؤاخذه على كده!
أمين: شوف يا معلم أنا أحب أوضح لك موقفى ف كلمة
واحدة
لؤل: إتفضل
أمين: اللي يمد أيده يا معلم يطاطى راسه.. وانا احب راس
فوق
لؤل: هو أنت ح تشحت.. دى معاملة.. تخلص شغل
وتأخذ حقك
أمين: بالحرام!؟
لؤل: اللي متعملوش أنت يعمله غيرك
أمين: كل واحد وله مبدأ
لؤل: مبدأ الدنيا الفلوس
عبد: تمام.. صح يا معلم
أمين: بص حواليك يا معلم.. شايف إيه؟
لؤل: يعنى إيه شايف إيه.. شايف طبعا كل
أمين: (مقاطعه) ليه البيوت قديمه وقذره.. ليه الأولاد
هدومهم مقطعه.. ليه الغلب اللي عايش فيه الشعب
الإحتلال

- ١ -

أمين: أبدا.. دا منا إحنا.. الجنيه المصرى أعلى م الجنيه الذهب.. إحنا اللي بنقطع ف البلد وكأنها مش بلدنا.. لو كل واحد منا يخاف عليها ويحبها مكانش يبقى احتلال.. ولا فقر.. ولا

لول: (مقاطعا) دا لولا الاحتلال مكناش نلاقى اللقمة ناكلها.. شوف إنت كام واحد بيشتغل عند الإنجليز ويباخد فلوس زى الرز.. كام عيله بتاكل

عبده: المعلم كلامه سليم جدا

أمين: إنت لو قارى إقتصاد كنت فهمت إن الإنجليز بيكسبو من البلد ملايين كل يوم

-٢- ينصر دينك يا أستاذ.. العيب فينا.. إحنا اللي بناخد رشوه.. ونعملوا سطة.. أحنا اللي بنتعامل مع الاحتلال

لول: بس خلاص.. بلاش السيرة دى (محمد يدخل الدكان)

-٣- ربنا ينصر الاسلام ويظهر الحق

لول: إحنا إيه اللي خلانا نتكلم ف الحاجه دى؟! عبده: مش أنا اللي فتحت الموضوع

أمين: أنا طالع يا معلم.. مرسى على القهوة

لول: دا واجب

أمين: تصبحوا على خير.. تصبحوا على خير يا رجاله

مجموعه: مع السلامه يا أستاذ

(أمين يختفى فى المنزل)

عبده: صبحى.. ولد يا صبحى.. هات عناب

لول: مفيش عناب.. سك ع الطلبات يا صبحى.. وسك

القهوه

-١- مكملائش العشرة

لول: ساك ياله

(يخرجون من المسرح ويخرج اللول- صبحى يدخل المقاعد يترك
واحدا وتعلق باب المقهى- تطفأ الأتوار فيما عدا ضوء الطريق-
صبحى يخرج من الحارة- فترة صمت قصيرة ويدخل حسن
ممسكا بيده زجاجة وهو فى حالة سكر وهو يغنى)

حسن: يا حسن.. يا خول الجنيه.. يا حسن

يا حسن.. يا غالى علينا.. يا حسن

يا خول الجنيه.. إبلع يا حسن

(يضحك ويشرب من الزجاجة)

أنا حسن.. حسن بتاع كله.. حسن بتاع الثوره

و..ال..ال..إيه... المظاهرات

وال..لأ.. نعد من الأول.. حسن بتاع.. حلوه

دى.. أنا بتاع إيه.. تعالى

اما اقولك.. حسن بتاع الثورة..وال.. والمظاهرات

وال..الإيه..ثلاثه... آه.. والجامعه..

والإعتصام..والكنال.. وبتاع الفلوس والإنجليز

وسنية الرقاصة: يبقى أنا مين.. أنا حسن بتاع

كله.. بتاع الانجليز.. بس انا برضه بتاع الكنال..

مين يقول لأ.. وبتاع الجامعه.. كنت أقف كده

واخطب ولا مصطفى كامل: إخوانى.. مصر

للمصريين وحسن لسمية.. صحيح.. أخوانى
الطلبه.. الثورة ليست كلاما وجدلا ونحن نحتسى
قهوتنا فى إحدى السهرات وإنما الثورة نار ودم..
الثورة إصرار واستمرار.. إن.. إن.. إزاي
نسيت.. سمية (ناظرا لنافذتها) أنتى السبب يا سمية..
لأ.. أنا السبب.. الفلوس.. كل حاجة.. كله السبب
وانا بتاع كله وسميه أصل كله (يشرب بشراهه)
خدى يا سمية.. إشراي زى ما باشرب..
إشربى (يقذف الزجاجه فترتطم بالنافذه وتسقط
مهشمه- يقف مطرقا- تفتح أم سمية النافذه)

أم سمية:

إنت رجعت يا منيل.. إيه اللى هببته ده.. متروح
تشوف لك حاجة تعملها

حسن:

معرفش اعمل زيك يا أم أنجر

أم سمية:

تعمل أيه ياله

حسن:

(مقلدا ضحكاتها) عيب يا معلم

أم سمية:

إن كنتش أوريك يا سكرى يا لعبى يا بتاع التلات
ورقات

حسن:

إسمعى ياولية إنتى

أم سمية:

أسمع مجنون (تدخل وتغلق النافذه)

حسن:

(مستمرا كأنها لم تدخل) أنا سكرى إنما تلات
ورقات لا.. أنا باعمل كل حاجة وميهمنيش أخبى
حاجه.. أنا مبدئى الصرحة انما واحده زيك (تدخل
سمية خلفه) متعرفش حاجة إسمها

سمية: إنت بتكلم نفسك
حسن: مين؟.. إنتى!.. أهلا.. شرفتتى الجنينه
سمية: الجنينه؟!
حسن: ما هو أنا حسن يا خول الجنينه.. إنتى عارفه سنيه
الرقاصة.. بتقعد على رجله وتغنيها (بغنى) يا
حسن.. يا خول الجنينه.. يا حسن
سمية: (تسكته) إيه اللي بتعمله ده يا حسن
حسن: إيه؟.. باغنى!.. حرام اغنى؟! مش عاجبك وأنا
حسن ولا عاجبك وأنا.. خول.. الجنينه!
سمية: متعيدش الماضى يا حسن
حسن: مفيش ماضى.. فيه مركب.. حاضر من الماضى
والمستقبل. فاكده الكلام ده
سمية: متعيدش الماضى يا حسن
حسن: أنتى مسمعتيش أنا قلت إيه!.. يا بجم.. أنتى
حيوانه.. فيه لغة واحده بتفهميها
سمية: حسن!!!
حسن: لغة الفلوس (فترة صمت) سمية
سمية: عايز إيه
حسن: تعالى نشرب كاسين خمره
سمية: ف الجبها؟!
حسن: كله بالصبر.. على رأى عم محمد (يجذبها من يدها)
أهى الإزارة
سمية: دا إزاز مدشوش
حسن: آه.. دى أم أنجر رميتها

سمية: رميتها فين؟
حسن: ف الشباك
سمية: أم انجر!.. بصى.. أنا واقف كده ف إيدي
الإزازه.. وكجيتلتمان لازم أشرب معاكى كاس..
رحت مطوح الأزازه
سمية: ف الشباك!؟
حسن: لأ.. ف صحتك
سمية: ح تتن واقف طول الليل كده
حسن: خافه عليه يا سمية
سمية: أنا طالع
حسن: (يمسكها من يدها) طالعها فين.. تعالى
سمية: سيب إيدي
حسن: بتقولى إيه يا بنت (يفتح مطواه) إنتى عارفه إنتى
بتكلمى مين.. أنا حسن.. المطوا دى.. لازم
سمعتى.. شالت عين بلاطه اول امبارح
المعلم بلاط!؟
حسن: والنهارده ح أشيل (مشير ا لصدرها) تعالى
سمية: أنا تعابنه الليلة دى
حسن: لكن أنا مش تعبان.. أنا زى الحديد.. تعالى (تمش
معه وقد أمسك بيدها- يقف تاركا يدها وهم فى
أقصى اليمين- يزيح المنديل من على شعرها-
يدير رأسها يمينا ويسارا وهو يتأملها)
حسن!!!
سمية: أنتى مجرمه.. روى (تجرى لبيتها وهى تشهق
حسن:

بالبكاء)

محمد: (يخرج من الدكان وهو يمسح عنيه) أنت رجعت يا

حسن يا ابني

حسن: آه.. أنا دائما بارجع

محمد: طب يا ابني بالسلامه.. إطلع نام بقى.. دا إحنا

على وش الفجر

حسن: مفيش فجر.. شايف الظلمه أد ايه

محمد: يا ابني مائل إلا بعده نهار.. أطلع أستريح يا ابني

حسن: إنت راجل طيب وانا باحبك وأنت عارف كده

محمد: عارف يا ابني عارف

حسن: لولا انى بحبك مكنتش آكل فول أبدا.. كنت أكل

فلافل.. أنا كنت باقولك ايه..ه

محمد: كفاياك.. السهر مش كويس

حسن: أنت بتكلمنى كده ليه.. ليه أنت اللي بتقوللى أطلع

أستريح.. السهر مش كويس.. ليه.. قوللى..

غرضك ايه؟

محمد: الله يسامحك.. أنا مش ح أحاسبك دلوقت. أما تفوق

حسن: أنا فايق وعارف كل حاجة.. صحيح أنا مش

عارف.. قصدى ماش باتطوح ومش عارف ألاقى

بيتنا فين.. هو بيتنا فين؟!

محمد: تعالى يا أستاذ حسن

حسن: أنت ح تجتننى

محمد: ليه يا ابني

حسن: عشان أستاذ دى.. أنت عارف أنت بتكلم مين

محمد: طبعاً يا حسن يا ابني
 حسن: أنا مش الأستاذ حسن
 محمد: غصب عنه وعنهم كلهم أنت أستاذ وسيد الكل
 حسن: الأستاذ حسن خلاص.. مات.. أنا حسن.. خسول..
 الجنيته
 محمد: الله يجازي المجرم اللي كان السبب
 حسن: أنت عارف مين السبب
 محمد: طبعاً حد
 حسن: (مقاطعا) يبقى ح أقول لها
 محمد: تقول لها؟
 حسن: سنية!
 محمد: سنية مين؟
 حسن: الرقاصة
 محمد: أستغفر الله العظيم
 حسن: امال السبب ف ايه.. مفيش حد السبب.. لأ.. فيه
 محمد: المجرم اللي شارى الحته بفلوسه
 حسن: أنا كمان باجيب فلوس
 محمد: الفلوس من كل حاجه.. المهم ده (واضعا يده على
 قلبه)
 حسن: دا.. طز.. باعيته بتراب الفلوس واترمت بين ايدين
 الحلوف.. بعد.. بعد.. (يشهق بالبكاء) ليه فكرتني..
 ليه.. إنت عارف أنا كنت باعمل ايه
 محمد: الفقير اللي انضرب على قفاه.. المتقف اللي باع
 كتبه وشرب بثمانها زفت ولما خلصت الفلوس جم

و عطوني فلوس وخمره وكل حاجه.. ومن يومها
حسن مات.. حسن اللي.. اللي.. ليه فكرتني.. ليه
كلهم نسو.. أنت بس.. أنت الوحيد اللي تعرف
كده.. أنت الوحيد اللي فاكرك.. فكرني.. قوللي أنا
كنت باعمل إيه.. نسيت!.. تعالى نقعد هنا واحكي
لي.. كان يا ما كان يا سعد يا إكرام
أنت فاكرك وعارف أكثر مني
كلهم نسو.. حتى سمية.. سمية نسيت
سمية منسيتش.. كلنا زيها.. أرجع ثاني يا حسن
طب إيني كاس عشان افوق
إطلع نام (يوصل لمدخل البيت ويستدير عائدا)
لازم أنا عشان بكره.. وبكره أنا عشان بكره..
هو بكره إيه
(ملتقنا له) الجمعة
يا الجمعة.. الجمعة.. حاجه غريبة.. بكره (يختفي
داخل البيت)
لا حول ولا قوة إلا بالله.. الله يجازي اللي كان
السبب.. الله يخرّب بيتك يا معلم لول.. الله يخرّب
بيتك.

محمد:

محمد:

حسن:

محمد:

حسن:

محمد:

حسن:

محمد:

حسن:

محمد:

"ستار"

الفصل الثانی

(المقهى - لول داخلا الحارة يندفع صبحى نحوه)

صبحى: يا معلم لول
لول: جرا ايه يا له.. مالك مسروع كده ليه ع الصبح..
لقيت قتيل ف القهوة
صبحى: أكثر يا معلم!
لول: يا فتاح يا عليم.. جرا ايه ياله
صبحى: أم أنجر
لول: أم أنجر؟؟ ايه اللي جرا لمحك.. هيه لاعبه معاك
النهارده.. ايه نويت تتجوز؟؟
صبحى: أم أنجر عندها فدائى يا معلم
لول: معلوم.. ماهو اللي يخطى عتبه الوحش ده بيقى
فدائى.. وعشان كده أنا أجدع فدائى ف بر مصر..
والفدائى بقى بيعمل ايه.. ح يفجر الوقود اللي تحت
الرخامه.. ولاح يفرقع الكامب!!
صبحى: يا معلم.. إمبراح سى عبده وهو نازل بصلى الفجر
شاف كل حاجه
لول: طب ناديله
صبحى: راح الشغل وقال لى أبلغك إنه كان فيه واد جريح
الإنجليز والحكومہ بتطارده.. راحت البست سميہ
واخدها عندها فوق
لول: ودى شافته إزاي؟
صبحى: كانت لسه راجعه

- لول: والواد الجريح فوق
- صبحى: آه يا معلم.. متطلع تشوف إيه الموضوع
- لول: أهي دى تبقى نصيبه.. يا فتاح يا عليم يا رزاق يا كريم (متجهاً لبيت أم سميه) الناس تقول يا صبح واحنا المصايب تتحدف علينا (يخرج)
- ١-: صبحى
- صبحى: عيون صبحى
- ١-: المعلم لول ماله
- صبحى: أصل الموضوع [ينحنى عليه هامساً]
- محمد: يا صبر طالت علينا الليالي بيك وأستنا ساكن لك سنين ف حضانا ومنستنا نستنا أنس الليالي.. والحلو نستنا
- صبحى: يا محمد تنك تغنى لما نستنا.. شاي بالحليب لعم محمد وخليه حلو عشان الصبر
- محمد: نهارك قشطه يا صبحى بالصلى ع النبى
- ١-: ربنا يستر.. عرفت يا اسطى
- ٢-: خير [(١) يهمس له] يا ترى إيه يجد.. وجرحه كبير ولا مؤخذه.. هوه اسمه إيه
- ٣-: هوه مين؟
- ٢-: صبحى بيقول [يهمس له]
- ٣-: أتارى الأنجليز هايجين ف البلد م الفجر [يدخل لول وأمين المسرح من بيت أم سميه]
- أمين: ماهو شوف يا معلم طالما

لؤل: لا طالما ولا غيره.. شوف يا افندى.. إحنا ناس
مسالمين وملناش دعوه بالحاجه دى.. إنت عارف لو
عرفو إنه هنا ح يجرى إيه؟
أمين: إيه يعنى؟
لؤل: ح يتخرب بيتنا.. ح يتعطل الشغل.. والثقة مش ح
يبقى فيه.. ح يهدو البيوت ويقفلو القهوه.. ويمكن
نتسجن كمان أنا وأنت.. وإنت أولنا
أمين: يا معلم.. مفيش حد ح يشك إنه هنا وطالما
لؤل: تانى طالما
أمين: مدام محدش يعرف إنه هنا!
لؤل: إنت أصلك متعرفش الإنجليز.. دول لهم عيون ف
كل حتة.. أولهم حسن
أمين: حسن؟!
لؤل: أمال
أمين: إسمع يا معلم إنت ملكش دعوه
لؤل: بنقول إيه ياله يا أستاذ.. يعنى إيه مليش دعوه!!!
أمين: قصدى
لؤل: [مقاطعاً] قصدك إيه يعنى.. أنا هفيه؟!.. أنا الجيهه
أمين: [مقاطعاً] إسمعنى.. قصدى إنه مش فى بيتك
لؤل: لكن فى منطقتى ولازم أكون عارف الحاجه دى
أمين: وتبلغ عنه
لؤل: إيه [صباحى يجذب أمين بعيداً عن لؤل]
صباحى: إسمع يا سى أمين

أمين: إسمع يا صبحي
 صبحي: إسمعني أنت.. أنا بتاعك الصغير.. بس أنا بودي أفهمك حاجه
 أمين: أنفضل
 صبحي: المعلم لول.. سيد الحته.. البيوت دي كلها بتاعته.. وعنده صفايح ذهب ورجاله بتشتغل فسي الجمرك والبحر.. ويا ما تاوي ناس
 أمين: صبحي!!!
 صبحي: وأنت ولا مؤخذه.. لا لك ف التور ولا ف لطحين.. وح تضيع نفسك
 أمين: لكن
 صبحي: إنت راجل متعلم ومعندكش أساليب الضرب والقتل
 أمين: لكن الشاب
 صبحي: متخافش.. المعلم لول إنسان قوي(بنبرة أعلى لیسعه المعلم)
 أمين: دا عايز يخرججه وهو مجروح وسخن وتقريباً فسي غيبوبه
 صبحي: متخافش
 أمين: (متجهاً للول) يا معلم
 صبحي: يا سي أمين
 لول: سييه يا صبحي.. نعم يا أستاذ
 أمين: طلب واحد
 لول: عنيه.. إنت برضه جاري

أمين: سيبه ليله على ما يقدر يمشى
 لول: دا تعبان خالص.. ليله واحده مش ح تقضيه (سميه
 تدخل المسرح)
 أمين: أنا عطيتہ بنسلين وصحته ح تتحسن.. وبكره ح
 تصبح مش ح تلقاه
 سميه: ليه يا أستاذ أمين.. هوه عمل إيه.. إيه يا رجاله..
 مغيث فيكو حد عنده قلب
 لول: إيه يا بيضا.. إنت مالك بالحاجه دى يا جميل إنت
 سميه: إزاي ترضو على نفسكو تسلمو جريح
 -١-: إسندنى
 -٢-: سميه اللى بتقول الكلام ده
 -٣-: معلم.. يا معلم.. مين دى
 لول: هيه الناس مالها.. إيه يا بت.. هيه لاعبه معاكى من
 إمبراح
 سميه: إنت عارف مين اللى فوق ده؟
 لول: أهو واد فدائى مش لاقى شغلہ يقوم بجيب لنا مشاكل
 سميه: دا ضابط يا معلم
 لول: يانهار أبوه اسود.. ضابط!!!
 سميه: يمكن دراعك يقتله ف خطه.. لكن له قلب ولا ميت
 راجل.. بيضحى بحياته وعمره عشان الاحتلال
 والغلب ودلوقت عايزين تسلموه!؟
 لول: كفايه يا بت أحسن وربنا ألهمك ألم أجيبك الأرض
 أمين: يا معلم إنت الكبير هنا.. إنت أبو الجيهه ودا بيتحمى

- لول: إطمنو.. الانجليز يدخلو برلين أسهل ما يدخلو بيت
 أم انجر.. تاكلهم واحد واحد
 سميه: يا معلم.. إنت لو حميته تبقى بتحميني
 لول: حبيته يا بت؟!
 سميه: مين ميجبوش!!
 لول: الله يا بيضا
 سميه: دمه نضيف يا معلم
 أمين: حاول تساعد يا معلم واللى عند ربنا
 لول: وإذا الإنجليز عرفو
 أمين: نهربه
 لول: ح اسلمه
 سميه: طيب يا معلم.. الراجل يبقى يمد إيده عليه
 لول: (ضاحكاً) ح تعملى إيه
 سميه: ح اقلته (تبكى - أمين يربت عليها ويعطيها منديله)
 أمين: يا معلم
 لول: مغيث معلم.. خلاص.. أنا احميه عشان البيضا
 سميه: صحيح يا معلم (تقبله من كتفه)
 لول: (يقرب خده منها) ح احميه عشان البيضا (سميه
 تجرى للمنزل تختفى فيه)
 أمين: ربنا يكرمك يا معلم
 -٢- ربنا ينصرك
 -١- الحمد لله

صبيحى: يا سيد الجيهه.. يا عترتنا.. يا مجدع يا معلم لول
لول: حظ الكراسى ياله كان مفيش حاجه
صبيحى: آخر نظام يا معلمى (يرتب المقاعد)
لول: (يتتحي جانباً) باقولك ايه ياسى أمين.. أنى عايزك
فى خدمه
أمين: أأمر يا معلم
لول: ح نوصل مشوار مع بعض
أمين: فين وإمتى؟
لول: حالياً
"إظلام"

(٢)

(إضاءة على صالون الباشا المذهب- لول وأمين
وحدهما)

أمين: إحنا جايين هنا ليه يا معلم.. وتعرف الناس دول
منين؟

لول: متستعجلش يا افندى

الباشا: (يدخل من اليسار) أهلا يا لول

لول: أهلا بيبك يا سعادة الباشا

الباشا: (مصافحاً أمين) أهلاً.. أظن دا يا لول الشاب الللى
كلمتنى عنه

لول: هو يا سعادة الباشا.. خير يا سعادة الباشا

خادم: (داخلا من اليمين) معالى الباشا الحكمدار

الباشا: أهلا سعادة الباشا الحكمدار

الحكمدارك: (يدخل) أهلا يا باشا.. أهلا يا لول

لول: أهلا بمعاليك يا باشا

الحكمدار: أخبرك ليه يا لول

لول: تمام التمام يا باشا.. الحمد لله.. فيه تقه (يناول

الحكمدار ظرفا كبيرا به أوراق- يفضه)

الحكمدار: الصراحه يا لول أنا ما أنقش فيك لحظه واحده.. لكن
ضامنك

لول: اللول حلو يا سعادة الباشا!

الباشا: لول.. إسمك إتخط ضمن الستة النواب ف الانتخابات

الجايه.. بعد ثلاث شهور
أمين: معقول!!
الباشا: نعم!
أمين: لا.. أبداً يا سعادة الباشا.. أصلها مفاجأة
الباشا: مفاجأة كويسه
أمين: طبعاً.. طبعاً
الباشا: جميل.. بعد أسبوع السرايا ح تتكرم عليك وح
تمنحك لقب بيه.. ح تبقى اللول بيه
لول: وربنا لايقه عليه
الباشا: ح تحتاج مدير دعايه اللي ح يبقى مدير مكتبك بعدين
لول: أمين افندى.. دا بيتكلم كلام ف السياسه!
الباشا: جميل (يستدير لأمين) إسمك إيه يا أفندى
أمين: (يدخل الخادم بشراب) أمين يا سعادة الباشا
الباشا: إنت ح تشتغل معانا.. بزنس.. ح ترتب حملة دعوية
لللول.. لأزم الناس تنتخبه.. ركز ف دعايتك على
إن اللي تعرفه أحسن من اللي متعرفوش.. طبعاً دا
من أمثالنا الشعبيه ونافع جداً ف الموقف ده.. وف
المستقبل ح تبقى مدير مكتب اللول.. إنت النهارده
أخطر من اللول.. أهم منه
لول: ليه الحاجه دى؟!
الباشا: أى غلطه ح تتحاسب عليها.. وأى غلطه يغلطها
اللؤل ح تتحاسب إنت عليها برضه.. واللى ح تقوله
إنت هوه ح ينفذه وإلا

لول: لا يا باشا.. بلاش وإلا
 الباشا: طبعاً يا ابني أنا أعرف عنك كل حاجه وأعرف
 كفاءتك وظروفك كويس.. أنا قرّبت لك مرة ف
 الفجر الجديد
 الحكمدار: (بعيد الأوراق للمظروف) ودا بقى من أنصار الثقافه
 الحره.. ولا الفن معمل بارود!
 الباشا: [أمين مضطرب] لول.. تصرف شهر يا لأستاذ أمين
 خمسين جنيه مرتب ف الشهر
 أمين: كم.. دا كتير قوى
 لول: معلوم.. كتير
 الباشا: خمسين جنيه ف الشهر.. وح تجيلي يا أستاذ أمين
 علشان ترتب مع الأولاد أسلوب الدعايه والميزانيه
 اللي تحتاجها عشان دا ينجح
 أمين: آجى لسعادتك هنا؟!
 الباشا: طبعاً.. ح تقابل السكرتير بتاعى
 أمين: دا شرف كبير يا سعادة الباشا
 الباشا: جميل [يستدير للحكمدار] إيه يا إكسلانس اللي سمعته
 ده؟!.. معقول ف برتيتيه واحده تخسر ألف جنيه
 [ينهض اللول واقفا]
 لول: ياللا يا افندى المقابله خلاص
 أمين: [يقف] أيوه.. أيوه.. السلام يا سعادة الباشا [الحكمدار
 والباشا يتابعانها بنظرهما وهما خارجان.. يخرجان]
 الباشا: إيه رأيك يا معالى الباشا.. مش جميل؟!

الحكمدار: جميل
الباشا: عندي من الصنف ده ألف جميل
الحكمدار: وكام جميله؟!
الباشا: الرسمي.. مفيش جميله ف الدنيا كلها غير مراتي يا باشا
الحكمدار: دى حقيقه يا باشا
الباشا: أيوه حقيقه مره.. الوليه إستفحلت
الحكمدار: تحب ألق لها قضية مخدرات!
الباشا: فكرك تحرق فيها?!
الحكمدار: نجرب!
الباشا: أخاف تاخد إنت التأييده
الحكمدار: [يغرقان ف لضحك- ينهض الحكمدار]
الباشا: أجبك وقت تاني يا باشا
الحكمدار: مش ده إتفاقنا يا باشا
الباشا: معلى.. فيه مشكله صغيره [مشير للظرف] ح أحلها
الحكمدار: أرجو إن اللول ميكونش عمل لسعادتك مشكله
الباشا: [يتحركان جهة اليمين]
الحكمدار: بالعكس دا كده حل لى مشكله
الباشا: إتفضل
الحكمدار: إتفضل
الحكمدار: [يخرجان]
"إظلام"

(٣)

[إضاءة على حجرة أمين - القدنى على الفراش - سميه بجواره]

فدائى: أشرب.. أشرب.. عطشان

سميه: حالا.. الحمد لله إنك إنكلمت

[تجلسه وتسقيه ماء]

فدائى: إنتى.. آه

سميه: الحمد لله.. بقيت أحسن

فدائى: أنا مش عايز أموت هنا.. عشان محمليكش مسئولية

سميه: [مقاطعة] متقولش كده

فدائى: إسمك إيه

سميه: سميه

فدائى: شوفى يا سميه.. أنا عندى غرغرينه ف رجلى.. أنا

شامم ريحتها.. يعنى مفيش أمل.. ساعدينى أخرج

من هنا.. سميه.. إيه اللى ف إيدك ده

سميه: دا علم مصر.. بتاع حسن ياما شاله ف المظاهرات

فدائى: كتر خيرك إنك طلعتيه.. آه

[تساعده على الرقاد]

"إظلام"

(إضاءة على الحارة- لافتة مكتوب عليها "اللول نصير العمال"-
"الجلاء التام أو الموت الزؤام"- يدخل رجلان بملابس ريفية
خلفهما امرأة- أحد الرجلين بيده دف والآخر مزمار- يعزفان
والمرأة ترقس- يدخل حسن مع المرأة- لول يصيح فتتوقف
الموسيقى)

لول: سمعت يا سي أمين.. إن شاء الله تخربو بيتي
أمين: خير يا معلم
لول: خير إيه يجيى منين الخير.. الإنجليز ف شارع
الترماى وعينهم على هنا
[حسن يعطى المرأة نقودا فيعزفون فترة قصيرة-
حسن يرقص]
حسن: الله يكون ف عون سنه الرقاصه وام أنجر
أم سميه: ليه قالوك عليه عالمه
حسن: كفايه مشيتك [يقلدها هازا أردافه]
لول: [ضاحكا] الله يخيبك.. طول عمرك هلس
حسن: أهلا سي أمين [للعازفين] إيه سكتو ليه.. تعالى يا أم
أنجر [ضحك- العازف يرفع المزمار إلى شفتيه
يسمع صفير ميكروفون عال]
لول: يا ساتر!
حسن: ده مكرفون.. إيه الموضوع [سميه تخرج من باب
المنزل- تدخل المسرح] سميه الوله لسه هنا!؟
سميه: أيوه
حسن: الله يخرّب بيتك.. مش قلّنتك هربيه

سميه: تعبان.. دا بيموت يا حسن
صوت: [من الميكروفون ولكنه أجنبه] إلى فدائي مجروح..
قدامك نص ساعة تسلم نفسك.. مكان محاصر.. إنت
تعرف نتيجة [صوت صفير ميكروفون]
[الفدائي يدخل المسرح خارجا من بيت أم سمية]
حسن: [يندفع ناحية يسنده] هات كرسي يا صبحي.. إيه اللي
نزلك
فدائي: ح اسلم
سميه: ح يقتلوك
فدائي: النتيجة واحدة
لول: وربنا دى أحسن حاجة عملتها.. أحسن يضربو
الحارة بالمدافع
حسن: إيه اللي يخليهم يضربو الحارة يا لول.. عرفو منين
إيه هنا
لول: أسأل نفسك
حسن: أسأل نفسي يا كلب [صبحي يمنع حسن عن لول]
فدائي: يا خساره.. ح نتن طول عمرنا نقطع ف
بعض [ينهض]
سميه: رايح فين
فدائي: رايح لهم
سميه: مش ممكن.. مش ممكن [الفدائي يخطو خطوتين على
المسرح ثم يسقط- يلفظ آخر أنفاسه] سمية تصرخ
حسن

"إظلام"

[إضاءة على نفس المنظر السابق - زيادة فى الإعلانات - الراديو
يذيع بضع الأغنيات]

لول: [داخلا المسرح من جهة اليمين] يا صبحى.. إنت
يالاه يا صبحى.. مالك عامل كده ليه.. فين الحركه
بتاعتك.. مخروس ليه ع الصبح
صبحى: أبدا يا معلم.. خلاص.. اللي راح راح
لول: إيه الموضوع.. هوه كان من بقيت أهلك.. ما كل
يوم فدائى بيموت
صبحى: بس دى أول مره أشوفه يا معلم.. يا رتسى كنت
أعرف أعمل زيه يا معلم
لول: تعمل إيه يا له
صبحى: أموت زيه
لول: شوف لك موته.. أهو مالى الدنيا.. الموت كله واحد
صبحى: لأ.. لا يا معلم
لول: طب اتلهى.. آمال البيضاء فين
صبحى: منزلتش بقالها ثلاث أيام م البيت [أم سميه تدخل
المسرح خارجه من بيتها] إنما أم أنجر
أم سميه: مالها أم أنجر
لول: أهلا يا حلاوه
أم سميه: صباح الخير يا معلم
لول: مدى الصباح يا حلاوه متخنصرش.. إيع الموضوع
اللى سمعته ده.. صحيح البت عيانه

أم سميه: من ساعة ما مات الفدائي وهيه نازله عياط ومش
عايزه تأكل
لول: وبعدين
أم سميه: متطلع لها شويه
لول: واجب برضه.. أمال إنتى على فين؟
أم سميه: ح أبيع حتة سيفه
لول: واللؤلؤ عايش [يخرج نقودا] خدى يا بت
أم سميه: ربنا ميحرمناش منك يا سيد المعلمين يا عتره يا معلم
لول [ترجع منزلها- تخرج]
[يتوافد ٣،٢،١ وبمجرد دخولهم بيت أمين- يحدث
المعلم سرًا]
أمين: صبحى.. نزل طلبات الرجاله.. طلباتهم عندى
مجموعه: متشكرين يا أمين افندى يا ذوق
لول: لا مؤخذه.. طلباتك وطلباتهم عندى أنا
-١-: تعيش يا معلم
-٢-: تشكر يا أبو الإنسانيه
أمين: [يجلس بينهم] إسمعو يا رجاله.. أنا عارف إنكم ف
أزمه.. لكن دى مش أزمتمكم بس.. دى أزمه حوالى
٣٠٠ ألف عامل كانوا مع الإنجليز
-١-: الحرب دى جت خراب ف كل حاجه
-٢-: القرشين اللي عملناهم بنصرف منهم ومسيرهم
يخلصو
-٣-: حد يصدق أن أسطى فراز يقعد من غير شغل!

أمين: أنا فكرت أنا وواحد تهمة مصلحتكم ف المشكل دى
والليلع الساعه سابعه بعد صلاة المغرب بعون الله ح
نحلها وح تلاقو شغل.. ايه رأيكو؟!
-١- ياريت يا افندى
-٢- لكن مين ده؟
-٣- المهم الشغل ياأخى [تدخل سنيه]
-٢- شاييف لشغل ده
سنيه: صباح الخير
لول: صباح الفل يا ست.. إتفضلى
سنيه: تعيش يا أخويا.. تعرفش يا دلعدى حسن أفندى بيته
فين؟
لول: حسن أفندى!!! حسن أفندى بيته هنا.. هو اللى مش
هنا ولا مؤخذه أما يجى نقول له مين [صبحى يتابع
الحديث]
سنيه: قول له خالتك سنيه جات تسأل عليك.. اصلى بقالى
تلات ايام مشفتوش
لول: متشوفيش وحش.. بقى أنتى خالتك
سنيه: آمال خاله
لول: وخالتك من إمتى
سنيه: إنت توعى على أبو سنه قبل ما يسنن
لول: لا.. لا مؤخذه أنا أعرفه بعد ما سنن
سنيه: طب يا أطرم
لول: دا أنتى بقك عايز ضبه ومفتاح

سنیه: والمفتاح دا بقى بكام سنه
لؤل: ما تقعد يا جميل
سنیه: معطلکش.. إوعى تمشى ورايا أحسن يموتك
لؤل: سنیه الرقاصه!!
سنیه: تقعد بالعافیه يا اسمك إيه
لؤل: لؤل
سنیه: لؤل من إمتی [وهی خارجه من المسرح]
لؤل: أموت ف اللون ده.. لون إيه.. دا ألوان يا جدع
صبحی: آخر نظام يا معلمی
لؤل: آخر فرفشه
"إظلام"

[إضاءة على صلاة أم سميه-سميه ناظرة من النافذه]

- محمد: السلام عليكم
سميه: عم محمد
أم سميه: يعنى نطقتى.. خش يا عم محمد.. أعملك شأى
محمد: تشكرى يا ست أم سميه.. إيه يا سميه اللى سمعته ده
[أم سميه تخرج] الفدائى محدش يحزن عليه بالشكل
ده
سميه: إزاي
محمد: دا شهيد يا بنتى.. اللى بتعمله ده مش عشائه.. إنتى
بتعذبى نفسك من غير داعى يا سميه.. ذنوبك ملهاش
وزن
سميه: آمال إيه اللى يبقى له وزن
محمد: مغفرة ربنا يا بنتى.. التوبه
سميه: وهيه اللى زى تتوب
محمد: يا بنتى التائب من الذنب كمن لا ذنب له
سميه: أعمل إيه
محمد: خشى إتطهرى وتعالى نروح لسيدنا ف المرسى أبو
العباس نصلى المغرب
سميه: أنا
محمد: يا سلام.. ربنا غفور رحيم يا ميه.. مستنيكى يا
سميه [يخرج]
أم سميه: [تدخل بالشأى] مشى.. مالك يا سميه

سمیه: عایزه انزل یا اُمه
اُم سمیه: أنزلی یا بنتی فکی عن نفسک
سمیه: مش قادره.. مش قادره [ترتبی علی صدرها باکیه]
اُم سمیه: یوه.. مش قادره.. لیه

"إِظْلَام"

[إضاءة على الحارة والمقهى]

[لول داخل فى زفة إنتخابات بجانبه أمين]

مجموعه: اللول.. اللول.. ومفيش غيره.. تنتخبو مين.. اللول..
اللول.. دا إيو الجيهه.. اللول اللول.. دا حبيب
الكل.. اللول اللول.. ابوكم مين.. اللول اللول

لول: إخوانى.. إخوانى.. سمع هوس.. انى عايز أقول لكم
كلمه واحده [يهمس لأمين] صح يا أمين فندى..
لقمنى!.. إخوانى أنى فيه كلمه واحده.. إنى معتمد
على الله وعليكم.. انتو ولاد جيتهى اللى باتحمى
فيها.. صح يا أمين أفندى

مجموعه: أبو الجيهه.. اللول اللول.. حبيب الكل.. اللول اللول
لول: أهم حاجه إن ببقى فيه تقه.. لما تكون فيه تقه ببقى
كله تمام.. وكله كويس

أمين: يا معلم
لول: إستنى يا أمين افندى.. خلىنى أكلم ولاد جيتهى
حبابى.. أنى عايز أقول [يتلجلج ثم فترة صمت
قصيره]

أمين: المعلم مرشح نفسه عشائكم.. عشان يحل لكم
مشاكلكم وانتو طبعاً عارفين علاقائه الكثيره
بالبشوات والحكومه

لول: تمام.. والأشيه ح تبقى آخر معدن بالصلى ع النبى
صحفى: يا معلم لول

لؤل: نعمين
صحفى: سيادتك بتقول تحل مشاكلهم.. إيه هيه المشاكل الللى
انت ناوى تحلها
لؤل: أى مشكله مش ممكن تستعصى على العبد لله.. أى
ترخيص
أمين: [مقاطعا] أول مشكله قدامنا هيه مشكلة العمال الللى
منغير شغل بعد الحرب ما انتهت
-٢-: أيوه كده.. الله ينور عليك
مجموعه: تنتخبو مين.. اللول اللول.. أبوكم مين.. اللول اللول
امين: ودى مسأله مش ممكن طرح حل لها ف إجتماع زى
ده لكن احنا واضعين خطه
صحفى: إيه رأيك ف منع النادى الأهلى من اللعب عشان
رفضه للإختلاط.. ودخول أجانف ف عضويته؟
أمين: الحقيقه المعلم مهتم بمشاكل الجماهير أكثر من
إهتمامه بالرياضه.. على العموم النادى الأهلى بدايته
سياسيه زى ما أنت عارف.. لكن إحنا رأينا إن
النادى الأهلى لابد أن يشترك فى كل المباريات
الدوليه ف مصر وخارج مصر.. لأنه نادى قوى
وفخر لنا ولكل المصريين
مجموعه: يعيش اللول الرياضى.. تنتخبو مين.. أهلى.. اللول
اللول [يدخل الباشا المسرح]
عبده: وسع إنت وهوه.. سعادة الباشا وصل بالسلامه
الباشا: [يقف بجوار اللول] أرجو إنكم تعرفو مصلحتكو

فين.. إحنا طول عمرنا بالشعب وللشعب.. إحنا اللي
 حررنا مصر.. أنا بازكى أخويا اللول.. هو أصلح
 واحد ليكم لأنه إينكم ومنكم ولكم
 يا إخوانا اللي تعرفه أحسن من اللي متعرفوش..
 واحنا عارفين المعلم لول وهو عارفنا
 اللول بيه!
 الباشا:
 مجموعته:
 تنتخبو مين.. اللول بيه.. وحبيبيكم مين.. اللول بيه..
 أبو الجيهه.. اللول بيه.. ابن الدايره إخرج الباشا
 ووراء بعضهم
 صبحي:
 إين الدايره.. اللول بيه
 عبده:
 بلاش الدايره دى
 محمد:
 كله بالصبر
 لول:
 أيوه.. الصبر طيب.. طيب!!
 عبده:
 ربنا يوفقك بالول بيه.. يا سلام بيه.. أيوه كده بلا
 معلم بلا زفت
 لول:
 إيه
 عبده:
 لا مؤخذه يا معلم.. أقصد لول بيه أليق عليك من
 معلم لول
 صبحي:
 المعلم لول بيه يا سى عبده افندى يا فلتنا وريحانتنا
 عبده:
 أشكرك يا واد يا صبحي.. هات حليه باللبن على
 حساب البيه المعلم
 صبحي:
 آخر نظام يا سى عبده افندى يا حلو
 عبده:
 إيه يا ولد.. عيب.. الولد دا أخذ عليه قوى يا معلم

لول: بيجبك.. بس متخلهوش بيجبك أكثر من كده لتبقى فضيحه

[سميه وأمها يدخلان المسرح خارجتان من بيت أم سميّه]

أم سميّه: مبروك البهويه يا معلم.. عقبال البشويه

لول: إيه ده.. إيه ده.. إيه النور دا جميل.. دى الدنيا كات ضلّمه خالص.. أهلا يا بيضا.. يا مرحب.. يا مرحب.. إنت أما تزعل يا جميل الشمس تتخسف والقمر ينكسف

عبدّه: الشمس هيه اللى بتتكسف يا معلم

لول: طب إنكسف على روحك يا سى عبدّه

عبدّه: حلوه يا معلم.. إين نكته

[يدخل حسن من اليمين ويجلس على مقعد فى أقصى اليمين]

حسن: قهوه يا صبحى [صبحى يدير وجه ولا يتحرك] إيه ياله بنقول قهوه [ينظرون له ويهمهمون] إيه مالكم.. فيه إيه.. بتبصو لى كده ليه.. متردو.. مفيكوش راجل برد!

سميه: مدام بتسأل على حاجه عارفها

حسن: والننى إنتى اللى فيهم.. لكن.. معناه إيه ده يا بت.. قصدك إيه

محمد: مكانش العشم يا سى حسن.. ليه تعمل كده.. ليه تخلي اللى كان بيجبك يكرهك ويتمنى موتك

حسن: أد كده
محمد: وأكثر.. أنت فعلا مش حسن.. حسن خلاص مات
حسن: أنت اللي بتقول كده
محمد: أنا كنت فاكّر إن لسه فاضل عندك إنسانية.. ليه
كده.. كان عمل لك إيه.. تبيع روح بنى آدم بملاييم
يا حسن.. بإزازه زفت تطفحها تتسكع ف الحارة
طول الليل تدور على بيتكم [أم سمية تضحك
بخلاعة]
حسن: أبيع بنى آدم.. أنت بتقول إيه.. مين قال عنى كده..
هو عشان غبت عن الجيهه يومين تطلع عليه
الإشاعة دى؟!
محمد: آمال مين اللي بلغ إنه فيه فدائى.. قول لنا.. حسبى
الله ونعم الوكيل.. الله يرحمه.. الله يرحمه
حسن: أنا.. مش ممكن!
سميه: [مقاطعه] مش ممكن ليه!
لول: على رأسه ريشه
حسن: ريشه مش برنيطة.. وبعدين أنا مش بأتعامل معاهم..
آنى باشتغل ف الجمر
-٣- أهو تلاقك معاهم برضه
حسن: إزاي تقولو ده.. مش ممكن.. وبعدين نهار الفدائى
ما كان هنا بلبلتها لحد ما جيت هنا وأنا عند سنيه
[يضحكون]
سميه: أنت أزاى تبجي هنا تانى.. بأى وش.. بعد ما قتلته..

بعد ما سلمت جريح.. أنت مجرم.. مجرم
لؤل: [يربت عليها] بس يا بيضا.. سد.. بصراحة الناس
مش عايزاك ف الجيهه
حسن: أد كده
لؤل: آه
حسن: مش أنت اللي ترد يا لؤل.. أنت مش نضيف.. بيتك
إزاز.. كل الناس دى تعرف أنت بتجيب فلوسك منين
وإزاي.. سيب الناس تتكلم
-١-: احنا او ف ايدنا سلطه كنا حاكمناك
حسن: ليه.. إيه أكد لكم إن أنا.. فين الدليل
محمد: حتى أنت.. أنت الوحيد اللي تعرف حسن مين..
إزاز تصدق.. إزاز.. دى كبيره قوى
-٢-: متكبرش عليك يا معلم
حسن: [يدور بينهم يواجههم ما عدا لؤل وسميه] مش أنا
المجرم.. أنا مسلمتهوش.. مبلغتش عنه.. مش أنا..
مش أنا.. إتكلمو
محمد: [يشهق بالبكاء- سمية تبعد عن لؤل] يا خسارتك يا
حسن
حسن: إزاز تصدقو.. أنا معرفش مين بلغ.. صدقونى..
مش أنا.. إنتم مش فاكرين أنا مين.. أنا حسن اللي
متربى ف وسطكم
-١-: كنت أيامها نضيف
حسن: أنا حسن اللي كنت باصطاد الإنجليز وياما انجرحت

وف سدرى.. إزاي أبلغ عنه.. إزاي!!!

كانت أيام!

-٢-:

حسن: [يخلع قميصه يبدو صدره عاريا-أثر جرح قديم]

وآدى سدرى.. جرح بطول الصدر.. إزاي أخليكو

تصدقوا إن اللي انجرح الجرح ده مش ممكن يبلغ

عن جريح ويحارب لنفس السبب.. إزاي أفهمكو إن

حسن بتاع سنه الرقاصة هوه حسن القديم.. كل اللي

حصل كان غصب عنى

أسكت..أسكت

سميه:

حسن: الورقه الخضرا أم مدنه بتاعة اللول كانت بتكبر

حواليه.. بقت هيه السما والأرض.. وهيه كل حاجه

باحبها وأكرهها.. مقدرتش أتحمل الصدق.. كرهتكم

وكرهتها وكرهت كل حاجه.. لكم متعاملتش مع

الإنجليز زى الحلوف ده [مشير للول] فتحو.. اللول

صاحب الحكمدار.. اللول ولا حسن مين يا أمين

هه

أمين:

إنطق.. اللول ولا حسن

حسن:

أمين: معرفش.. أنا ماليش دعوه.. أنا سمعت زى اللي

سمعو

أمال ليه قلت لى [نتوقف]

سميه:

قال إيه؟

حسن:

ولا حاجه؟

سميه:

أمين: مغيش داعى للدخول ف تفرجات جانبيه

حسن: أمين.. إنت أستاذ تقرا وتتكلم كويس.. بتعمل إيه..
بتعمل دعاية للول.. ليه.. لحساب مين.. أنا
انطحنت.. كنت أسهر الليالى اطبع منشورات
وافرقها.. واستنى الإنجليز على بيبان الكابريهات
[سميه] وكنتى بتكبرى قدام عنيه وروحى برغم حبى
كانت رخيصة.. كنت بأهاجم زى الأسد ف الجامعة
وهنا وف الكنال وف كل مكان.. وف ليله سودا
وكان بقالى ثلاث شهور.. ثلاث شهور يا سميه!

سميه: اسكت.. اسكت يا حسن
حسن: اللي قلته ف سنين أتتسى كله ف ثلاث شهور.. أفتح
عنيه ف الضلمه عليكى مع

سميه: [مقاطعه] اسكت يا حسن.. أرجوك اسكت [منهاره]
حسن: مين فيكم ياللى كنتو تعرفو قال لها إفتكرى حسن!..
حسن: اللي سايب أجمل وأنبل وعد.. كلكم خنتونى..
خفتم من الحلوف ده واللى مخافش الفلوس عمته..
براد شاي سكته [لمحمد] وإنت الوحيد اللي عارف
حسن ومطاطتش راسك.. عملت إيه.. تدعى على
اللى كان السبب من غير ما حد يسمعك.. عايزين إيه
غير إنى أعيش زيكم.. مقدرش أكون أنبل من الللى
بادافع عنهم.. سقطت لأنكم سقطتو من زمان مين
أطعن الطعنه الللى اخدتها بين ضلوعى.. مين ف
سدره جرح زى ده.. أنتم السبب ف الللى جرالسى..
ودلوقت برغم كل حاجه باقول لكم إنه مش أنا الللى

بلغ.. عايزين تصدقو صدقو ولا إنشا الله مصدقو
 محمد: آمال مين.. ما إحنا لازم نعرفه
 حسن: إنتو عايشين طرش وعمى.. انتو عارفينه لكن طول
 عمركم بتخافو منه.. مع إنه تافه وجبان [يرتدى
 قميصه] أنا ماشى.. أنا كنت باجى هنا.. يمكن ف
 يوم ألقى إيد تتمد لى وتلمنى.. لكن لقيت إيدكو
 مسلسله
 لول: أحسن تمشى برضه [حسن يستدير خارجا]
 سميه: حسن [يلتفت لها تتجه نحوه ثم فى منتصف المسافة]
 حسن: سميه [يتجه لها فتركع أمامه باكيه منهاره- يمد يده
 فتمسكها- تنهض معه] اللى جرحك كان قاصدنى يا
 سميه
 سميه: متسبينش
 أم سميه: شوف البيت
 حسن: ح أداوى جرحك يا سميه.. وح ترجعى أحسن من
 الأول
 سميه: أنا بحبك يا حسن.. يا خولى الجنية
 حسن: تعالى يا سميه [تمشى معه- خارجان من المسرح]
 أم سميه: رايحه فين يا بت
 لول: رايحه عند الخياطة يا أم أنجر
 حسن: بيت جوزها يا حلوف
 لول: إيه؟! دى
 أم سميه: مالها دى يا معلم.. أنت ح تتسى نفسك ولا إيه

لول: ودى معقولة يا حلاوة.. دى ح تبقى آخر فرفشه
 محمد: إستتى يا حسن.. أستتى هنا أنت و سميه.. أنت طول
 عمرك هنا.. وبينك هنا.. ربي ولادك هنا يا حسن
 عبده: يا ساتر عليك يا أخى.. سبيه ينام ع الجنب اللى
 يريحه.. يا حشرى
 محمد: وله يا حسن.. مش ح يشهد على عقدكم غريب
 سميه: خلىنا يا حسن
 حسن: خلىنا يا سميه

"ستار"

المؤلف في سطور:

- أحمد محمود خضر
- مهندس زراعى من مواليد ١٩٤٨م
- عضو نقابة المهن السينمائية - شعبة السيناريو
- عضو هيئة الفنون والآداب والعلوم الاجتماعية
- حاصل على عدة جوائز - منها جائزة سعد الدين وهبة للإبداع المسرحى ١٩٩٠م

مؤلفات تم عرضها أو نشرها:

المؤلفات المسرحية:

- ١- قهوة المعلم لول: إخراج إيمان الصيرفى - إنتاج نادى الوحدة - عرضت على مسرح الجمارك بالإسكندرية
- ٢- أوبريت سلامة البمبوطى: إخراج إيمان الصيرفى - ألحان محمد الروبى - عرض على مسرح كلية العلوم بالإسكندرية ١٩٧٥م.
- أوبريت سلامة البمبوطى: إخراج محمد إسماعيل - ألحان محمد الروبى - عرض على مسرح قصر ثقافة الحرية بالإسكندرية ١٩٧٦م.
- ٣- إنجى: إخراج إيمان الصيرفى - بطولة مها عثمان. عرضت على مسرح أكاديمية الفنون بالهرم فى الاحتفال بيوم المسرح العالمى ١٩٧٨م.
- إنجى: نُشرت بمجلة إبداع ١٩٨٥م.
- ٤- يا زهرة الشتاء .. أحبك: نشرت بمجلة الكلمة المعاصرة ٢٠٠٠م

المؤلفات التليفزيونية:

- ١- العجوز والدنيا وأنا: سهرة تليفزيونية - إخراج أبو اليسر أبو اليسر - بطولة محمد الحلو - عرضت بالقناة الأولى بتليفزيون جمهورية مصر العربية ١٩٨٩م.
- ٢- اللغات السامية: فيلم تسجيلى ٢٠ دقيقة.

القصص القصيرة:

- ١- ثلاثة أصوات متداخلة - مجلة الكلمة ١٩٧٥م.
- ٢- رسالة إلى قطز - جريدة السفير ١٩٧٨م.
- ٣- عندما يصبح لكل شيء معنى - مجلة القصة العربية ١٩٩٤م.
- ٤- حسين أبو عويضة - مجلة الكلمة المعاصرة ١٩٩٧م.

الأبحاث:

- ١- إطلالة على أشعار عبد المنعم الأنصاري - مجلة أمواج ١٩٧٩م.
- ٢- الحوار في الدراما - مؤتمر أعلام دمياط - جامعة المنصورة ١٩٨٩م.
- ٣- الإعلان التلفزيوني التجاري المصري - مؤتمر أعلام دمياط ١٩٩١م.
- ٤- عن ديوان أنسام وأنغام: كتب (أحمد السمرة في ذكراه) - مديرية الثقافة بالإسكندرية ١٩٩٢، ديوان أنسام وأنغام: ملف أحمد السمرة - مجلة الكلمة المعاصرة ١٩٩٩م.
- ٥- محاضرات في فن كتابة السيناريو - مركز الشباب البحري بالإسكندرية ١٩٩٣م.
- ٦- فرانكلين روزفلت: سلسلة عظماء عاشوا بالأمل - دار المعارف ١٩٩٣م.

كتب عن مؤلفاته:

- زهير صبرى - مجلة السينما والمسرح ١٩٧٤م.
- على شلش - مجلة الإذاعة والتلفزيون ١٩٧٤م.
- فتحى العشرى - جريدة الأهرام ١٩٧٤م.
- شوقي دياب - جريدة المدينة - السعودية ١٩٧٩م.
- د. محمد زكريا عناني - جريدة الأيام ١٩٩٠م.
- د. منحت الجيار - الكتاب التذكاري لأعمال مؤتمر أدباء مصر في الأقاليم ١٩٩٥م. ... وغيرهم.

صدر من مطبوعات الكلمة المعاصرة

- | | | |
|-------------------------------|-----------|---------------------|
| (١) الأبجدية والمدارات الأخر | شعر | أحمد عبد الحفيظ |
| (٢) خلف جدار الصمت | رواية | محمود صادق |
| (٣) الديار التي لأمية | شعر | على عبد الدايم |
| (٤) بوابات اللهب | رواية | على الفقى |
| (٥) زمن بعث المراثى | قصص | محمد عبد الوارث |
| (٦) يظنون | شعر | محمد نشأت الشريف |
| (٧) مصر فى القاموس المحيط | دراسة | أحمد فضل شبلول |
| (٨) قصصات مرحلة لبغال البلدية | قصص | محمد حافظ رجب |
| (٩) الزحف على حد المستحيل | شعر | يس الفيل |
| (١٠) معجم أدباء الإسكندرية | إعداد | عبد الله هاشم |
| (١١) الملح السائل | شعر عامية | جابر سلطان |
| (١٢) من حديقتي | شعر | ادوار حنا سعد |
| (١٣) محاورات الكتابة | دراسات | صبرى عبد الله قنديل |

الصديقان للنشر والإعلان

٧ش زين العابدين - محرم بك - الإسكندرية

ت: ٠١٢٣٦٨١٣٤١